

Augsburg, 14. März 1580

An Tycho Brahe

Abschrift: ÖNB Wien, Cod. 10686⁶⁶, fol. 71v.Druck: Brahe, *Epistolae*, S. 54; Brahe, *Opera omnia*, Bd. 7, S. 57f.

Regest: Keil/Zäh, Aufenthalt S. 96; Keil/Zäh, Beziehungen S. 192.

HIERONYMUS WOLFIUS AD TYCHONEM BRAHE.

DUO Dani studiosi hâc transeuntes, qui se tua familiaritate aliquando usuros sperant, petierunt a me, ut sibi literulas ad Excellentiam tuam darem, quo se mecum fuisse probare possent. Etsi autem nuper nescio quid scripseram, neque nunc quicquam scriptione magnopere dignum habebam, tamen quia, mi nobilissime et doctissime D. TYCHO, libenter etiam absens tecum colloquor, morem illis gessi. In observatione proximae eclipseos nostrates Astrologi omnes, alij plus, alij minus, a vero initio aberrarunt. Exquisitiora abs te expectamus. Nova quae passim feruntur, e popularibus tuis cognoscetis. Augustana plaeraque antiquum obtinent. Consul HAINZELIUS tibi familiarissimus superiori anno elocavit filiam, eius frater duobus filijs locupletes pueras uxores dedit. Nos Scholastici etsi rerum nostrarum satagentes, asininam fortunam aequi bonique facimus; tuaeque Excellentiae coeleste illud et beatum insulae Uraniae, vel potius fortunatae, otium gratulamur. Vale. Augustae Vind[elicorum] pridie Idus Martias Anno 1580.

T[uae] Excellentiae studiosiss[imus]
HIERON[ymus] WOLFIUS.